

Errugbia

Getxo Artea kopatik kanpo

Finalerdian 50-14 galdu zuen Canoeren aurka Valladoliden

Zazpigarren finalean sartzeko aukera galdu zuen atzo Getxo Arteak Kopan. Lauko finalaren bigarren finalerdia jokatu zuen Madrilgo Canoeren kontra, eta lehen zatian 7-18 galtzen amaitu ondoren, azkenean 14-50 galdu zuen. Canoeko Kovalenko errusiarrek 20 puntu egin zituen eta bikain gidatu zuen jokoa. Finala, Quesos Entrepinares-Santboiana izango da bihar.



Canoe berriro nagusitu zen aurrean eta denboraldiko hirugarren partidua irabazi zion Getxori. KOLDO ALDUNTZIN

Koldo Alduntzin / Donostia

BOSGARREN Kopa irabazteko bidea itxi zion Canoe atzo arratsaldean Getxo Arteari, 14-50 mendean hartuta. Valladolideko Pepe Rojo zelaian jokatu zen final lauko bigarren kanporaketa 1.600 ikusleren aurrean. Madrildarrek sei entsegu egin zituzten eta bizkaitarrek bi (Hernandez eta Perez de Ziriza, 13. eta 73. minutuetan). Eguerdian Quesos Entrepinares 37-3 menderatu zuen Santboiana, eta beraz, Quesos Entrepinares eta Santboianak jokatuko dute finala bihar (12:30).

Motibazio handiarekin ekin zioten bizkaitarrek atzoko lehiari, eta bazirudien Canoe ez zela heldu Kopako lau finalera sasoi betez, baina usteak erdi ustel gertatu ziren atzo. Gainera, Kovalenko joko zabaltzaile errusiarrek hankeko joko aparta egin zuen bai hagetarako jaurtiketetan bai jokoa gidatzen. Lau zigor kolpe gauzatu zituen eta 20 puntu egin zituen guztira. Getxok hobeto jokatu zuen lehen zatian, nahiz eta ohiko haizea alde eduki madrildarrek. Cesar Hernandez hirugarren lerroak egin zuen partiduko lehen entsegua bizkaitarrentzat eta 3-7 aurreratu ziren 13. minuturako. Kovalenkoren ostikada luze batek arindu zuen Getxoren presioa, eta hortik aurrera, Canoe hartu zuen aurrea markagailuan Monzonen entseguarekin eta 18-7 amaitu zuten lehen zatia. Hala ere, defentsan zorrotz aritu

behar izan zuten madrildarrek. Lehen zati horretan ez zuen asmatu Aitor Etxebarriak hagetarako jaurtiketetan. Getxok 13 jokalarirekin jokatu behar izan zuen epaileak 10 minuturako egotzi zituelako Etxarri eta Rodriguez, eta horrek, «guri kalte handiagoa egin zigun, une batzuetan nahastuta jardun baikenuen», adierazi zion Euskadi Irratiari Aratz Gallastegik. Bigarren zatian askoz hobea izan zen Canoe jokaldi estatikoetan eta ondo asmatu zuten puntuak egiten. Oraindik 18 minutu gertatzen zirela 38-7 ziren aurretik, baina Getxok ez zion buelta ematerik izan markagailuari. Quesos Entrepinares bestalde, arazorik gabe hartu zuen mendean Santboiana. Katalanak uste baino samurragoak izan ziren, nahiz eta atsedenera 10-3 heldu. Eskasetan eta uztartze-laxoan nagusitu ziren Valladolidekoak.

Bera Berak bihar jokatu du hirugarren partidua • Ohorezko Mailara igotzeko Ligatxo ari da jokatzeko Donostiako Bera-Bera eta bihar hirugarren partidua jokatu du Coruñaeko Crat Xesturren kontra Anoetan (12:30). Aurreko bi partiduetan alde handiz galdu zuten donostiarrek Valentzian eta Oviedon eta bihar derrigorrez irabazi behar dute, aurreko postuetatik guztiz aldentu nahi ez badute. Beste norgehiagoka, Granadako Generalife eta Oviedoren artekoa izango da; bi horiek direlarik aukera gehien dutenak igotzeko. X

Alegriak eta Irazuk Munduko Txapelketan ariko dira gaur

■ Lehen jardunaldian hasieratik jokatu dute

K. A. / Donostia

ATZO hasi zen III. emakumezkoen Munduko Txapelketa Amsterdamen (Holanda) Kanada-Holanda nogehiagokarekin. Lehen jardunaldikogainerako partidua gaur jokatu dute. Getxo Arteako Karitte Alegriak Espainiarekin jokatu du Galesen kontra. Herm taldean jokatzeko duen Daniele Irazu hendaiarrak, berriz, Kakhastanen aurka ariko da Frantziarekin.

Sailkapen fasean 16 talde ariko dira lehen lau multzotan banatuta eta finala maiatzaren 16an jokatu dute. Espainiako Selekzioarekin Holanda dira ere Ines Etxegibel durangarra eta Eloreko Olatz Fernandez.

Lehen Txapelketa Estatu Batuetako Selekzioak irabazi zuen eta orain dela lau urtekoa Ingalaterrak 38-23. Aurtengo Txapelketa irabazteko, Zeelanda Berria, Ingalaterra eta Estatu Batuak dira faborito.

Frantziako final-laurdenetako itzulikoak gaur • Bestalde, Frantziako Ligaren final-laurdenetako itzuliko bi partida jokatu dute gaur: Tolosa-Montferrand eta Castres-Perpinya. Joaneke partiduetan 19-10 irabazi zion Montferrandek Tolosari, baina egungo txapelkunak dira faborito finalerdietara pasatzeko. Castres 25-19 hartu zuen mendean Perpinya eta oso parekatua gertatu dute gaurko norgehiagoka. X

Eskuz Banakako Txapelketa

Hemen da Txapelketa

Babeslea
BBK
Bilbao Bizkaia Kutxa

Club
FRONTON
906-42 10 00
Joka ezazu gurekin

Maiatzak 2an, larunbata, 17:15etan. Tele 5n

ARRETXE-ARMENDARIZ

eta gainera...

SALABERRIA-BALERDI
NAGORE-GALARZA III

Iruñeko Labrit. pilotalekua.



Josetxo Lizartza
Estilistik onena

FRONTON & TELECINCO
Pilotarik onena

